




入楚種



長樂郡
振鐸
諸子名

戲題

兵郡王世貞元美著



詞林豈必陽九世路自足朝三雞肋棄之
有味羊腸欲上不堪

蹉跎顏駟雙鬢落魄高陽一身彈章亦合
文苑除目終疑酒人

聞補楚憲之命四首

天入衡門近朝將盤綬新五投歸畝疏兩

作起家人白雪元推郢
梅花不避秦宦情
吾豈薄野性恐難馴

其二

晉楚吾何擇山公意不輕
虎鬚驚往路雞肋歎浮名
病入園林癖氣鍾兒女情
家鄉事事好物態一堪評

其三

當年成小草此日動菰蘆
顛倒尋章服次且散酒徒
廢家方悔俠移谷舊甘愚
一出

一回老還看覽鏡無

其四

兒輩粗能立君恩轉似濃
春光催駘蕩吾意獨龍鍾
味入中年減名憐末路容
武昌魚價賤罷釣一相從

楚行意頗不決聊成一章

邱吏空驚腰綬新婆娑仍惜
披梧身文章帶我終投筆
歲月欺人轉積薪舊事懶聽
湘水曲衰顏羞翻武陵春
何如且作祇園

主經卷茶鐺次第陳

赴楚出門即事有感

江山雖自好其柰倦游情
鼎醉無同輩行
藏似隔生低眉新禮數
染指舊功名豈有
雕虫客能為世重輕

其二

亦曉功名際踟躕計未真
暑憎腰帶重
怯鬢絲新欲作思歸語
其如送遠人
嬌兒白似雪
遮莫喚爺頻

送莫叔明游燕

南游不得意策馬向燕中
久客家難定
清時計漸工歌
緌渾欲崩
膏首已如蓬
為報今皇事
弘開碣石宮

皇甫子循僉事七十

尊前金縷乍成衣
與唱人生七十稀
勝具摠誇玄晏上
微官不厭曼容非
凌雲健筆長餘綵
說世青衫始易緋
共道荀家好兄弟
白雲猶見一龍依

送歐陽判官遷兩淮運判

飛蓋一江隔棠陰兩地餘水經初罷註任
水利曾著鹽策旋裁書官為清時好家因
水利考薄宦虛亦知鮭菜賤慎莫厭懸魚

要子真光祿出會

十載時通白雪盟竭來猶自昧平生雙魚
入袖元難滅老驥逢師可不鳴文度江東
慙獨步真長晉代許齊名船齋少宿丹陽
尹牛女應誇紫氣橫

贈大中丞董公

屈指中臺彥無如漢董君舊為驄馬客新
領鸛鵝軍組練遙明日樓船上屬雲亦知
無俎豆三策向來聞

其二

共誇三晉地前後擁朱輪人自風塵老公
偏日月新更衣向星使把酒慰波臣揔有
明河在蹉跎敢問津

寄陸典繩太僕

尺一書來綬便丹共傳鳴玉上金鑾邴知
此日攻駒在猶作當年失馬看人愛賜環
時却易我憐完璧晚逾難如聞楚澤波臣
狀庶子泉頭好自寬

舉主御史大夫傅公同年大司寇謝
公款宴江寺感謝

把酒青迴江上峰淨筵分供玉芙蓉涼後
鳩署秋聲起暑避烏臺霜氣濃海內何人
能附驥江南有客舊登龍艱難往事邴堪
數惜別銜恩意萬重

金山與送者飲別登舟作

江天高閣倚傀俄惜別猶呼金叵羅送客
總歸唯月在游人欲老柰山何才聞出夾
吳音少稍入中流楚調多爭道壯游官亦
得不知吾意已蹉跎

將至建業大風雨作

挂席凌大江斗覺風雲顛日脚金鎖碎山
頭墨蜿蜒高天忽下垂密與滄波連不辨

川后界坐失陽烏權咫尺晃微白浪花驕
不圓攢矢闕壁剝神鉦擊喧闐徙坐蔽束
書低眉睨長年兩儀退歸所萬象仍悠然
山色媚舉卮波聲清扣舷變故在須臾所
得能不遷是以輒徃身托志在歸全

采石謁太白祠

苔階擁立壁遺像挂蠨蛸誦爾天門句不
風江自濤千秋無正始一代見才豪三山
俱佐供姑熟水為醪霞明銅棺日天隋宮

錦袍那能不相待空自躡金鰲

六月盡立秋安慶道中

七月明朝是孤舟病客非秋爭一夜早暑
可片時歸怯引青銅鏡衰艣白苧衣誰能
作桐葉取次便先飛

江行病起即景有感

涼色推蓬後潮聲進艇中青山兩岸合銀
漢一江通豈謂清涼界猶殘老病翁羞聞
輶養翮尚可縱秋風

入楚籍
六
肖甫中丞自采石馳歸一醉而別至
江州寄懷

初聞牛渚駐旌旂小隊元戎早自歸乍合
延津疑劍是纔違漢浦鳧璫非歌偏白石
成名晚身在青雲折節稀也道武昌魚鴈
便那能相憶不沾衣

再題

三十年前塗抹二千里外折腰磨蝎當宮
合賤雕虫小技誰驕

其二

臨邛負弩小事長沙賦鵬胡云那用爭它
絳灌歸來笑擁文君

泊安慶江口即事

扁舟孤泊下江干父老能言保障難樓觀
日將金紫錫江山天闕畫圖看風廬似倒
降王旆烟雀猶喧誓將壇莫倚臺城龍虎
氣幾愁無地可迎鑿

白石翁畫贈吳文定山水歌

君不見白石翁墨花破萬紙散落世眼中
其間方寸地貯一太史公是時太史稱吳
儂三載磊塊蟠翁胸太史趣朝天青雀凌
春風有淚不佐李都尉有賦不擬江文通
直將三寸管五丈素寫出江南千峰與萬
峰盡收蜀錦囊壓倒太史之奚僮絕壁直
上高穹窿呼吸似足開天聰忽復下墜數
千尺俯身欲入鼇鼉宮意者徑路絕乃有
雲霞封萬古不盡流洗出玉玲瓏側耳將

聽之疑是縑素間迸作群靈霧長飈無形
百草履茸列缺崩崖吐出恠松歷亂羽葆
屈蟠虬龍將崩未崩石似舞欲斷不斷槁
飛虹迺有詞客酒人樵青釣童或騎蹇驢
或駕鯨舸或躡螭屐或策短邛高者穿木
末若蜚鴻下者蹒跚勃率如孤豨兩儀不
能主乍闢而乍蒙二曜不定光倏西而倏
東木機與鳥爭道人家擬鵲開窓漸窮至
杳靄但有去路無來蹤猶云紙盡意未盡

亂石拳點波洶洶真宰泣訴神無功太史
不能長將向天去流落人間成楚弓翁亦
召主城芙蓉但令居士緇几上秀色欲滴
青濛濛擊節董源隕涕關仝筆底一掃傾
宗工沈翁豪翰何其雄嗚呼隆準之孫豈
必隆

偶覽元白長慶集有感逝者

莫悲長慶元丞死更覓劉郎伴白頭何事
調高酬不得一生春雪半生愁

七夕江州道中

令節從誰賞扁舟興自賒賽江餘酒脯遠
市少茶瓜不擬明河詠從他上漢槎殘機
未成匹吾醉一思家

其二

彩艦凌波上宛非塵世間鵲橋元漢渚鶴
駕自維山七夕王子喬
乘雀維山天意高難乞吾儕拙更
閒迴光揔如練或恐厭袞顏

登小孤山

忽有蒼翠來眉鋒躍然令我呼短筇波心
倒插白玉柱水面秀出青芙蓉平分吳江
楚江地對聳天南天北峯老夫鐵笛欲吹
却恐向盤渦驚臥龍

經彭澤有懷陶公

陶公辭彭澤亦復聊其生磬折豈足勞而
以事躬畊安能如旅葵百穀產中庭鼎鼎
百年內貴在願與并濁醪佐新詩聊以娛
性靈偶然獲為人偶獲千載名名者自隨
之獲者安所營竊窺逸民言令人愧浮榮
將抵潯陽戲作短歌

逾月不啖東家豬又不及買武昌魚橐中
乾菜配濁酒日日看山還讀書男兒三十
興闌懸赤帶及至之官垂五十欲辭白髮
頭不能縱脫青衫淚堪濕為龍為蛇心自
知呼牛呼馬邴敢辭有書且作老博士得
酒便喚高陽兒

至江州尚不得舍弟敬美除官信悶

成却寄

有鳥雙棲偶一鳴無才那敢論時清纔經
楚澤人堪老若到燕臺馬自輕白雪和來
難後輩青雲是處畏先聲與君暗憶祇園
地不冷蓮花慧遠盟

江州答謝徐司空兼簡德甫時公尚
以中丞候代

先朝抗疏許誰雄白下偏驚鮑氏駘出領
江藩中執法還平邦土少司空情如廬嶽
千層厚書借潯陽九派通猶有豐城孤劍
在待君嗑拂便成虹

江黃二州謁白尚書蘇端明祠有感

白傅佐潯陽匡廬落其手蘇公謫宜黃游
踪寄樊口物情豈相為天意良不偶揮淚
對青衫垂腰厭黃綬是時二公年四十加
八九飛騰在俄頃綸綍相先後而我同茲
歲楚憲起南畝却顧所佩章叨竊慚已久
樹漿薦落日餘瀝自為壽髻年弄筆墨老

入楚籍
十一
至忘其醜頗諳游戲禪更貪聲聞酒別業
婁水傍歲功良亦厚園多履道竹門種杭
隄柳功名善愚人人生好自負造物亦苦
慳安能令多取真樂隨形無虛名背身有
洛下醉朱唇天南搖白首明年定挂冠不
蓄趙瑟婦以此叩二公公其默許否

七月望夕大叅文岡鄭公僉事沙塘
蔡公金溪戢公邀游赤壁二首

賓主西南勝事并此游端足慰平生杯仍
七月稱秋望賦是雙珠可夜明戰血至今
高壁色詞源終古大江聲與君聊釋盈虛
意忽聽山城漏五更

其二

將壇文苑代稱雄指點千年感慨同名在
江山翻借色事過天地竟何功鄉心暫托
烹鱸後客夢都拋別鶴中秋月偶圓風自
好坐來羣緒為君空

江行五七六言雜咏

瓜步山

佛狸南牧已千秋百草猶沾毳殿愁
驅得王庭還大漠

高皇九葉奠神州

登蛾眉亭有懷

回首江南黯澹雲蛾眉亭畔思紛紛
何因却作姑溪水流到長江尚不分

姑溪水流出長江自為一帶

望鍾山

劃成天塹抱天關鐵馬戈船日日間
九葉

神孫當北極千年紫氣滿鍾山

黃石磯

黃石磯頭波亂流前軍鏡吹後宮愁
莫因魚服憐牙爪自有真龍在上游

阻風安慶

長憐拙宦比今朝愁水愁風上漢遙
何似長年回鷁去滿帆秋色下楓橋

從彭澤望廬山決策往游示同舟者
看盡千峰意不關青天忽接是廬山來朝

入楚稿
十三
紫氣君休恠身在差我峭舊間

董中丞寄餉酒貲

潯陽江波波刺天峭風偏對下江船從他
九日灘頭坐乞得中丞買酒錢

九江道中大風

烏頭千樹捲秋蓬亂激飛濤拍大空坐起
船窓渾不覺此生原慣石尤風

江口望鄱陽湖感事

十萬樓船不得驕洪波血立注青霄天弧

一舉旄頭落不似潯陽枉射鮫

過九江風迅不克上匡廬自嘲

月滿清尊霞段滿裾何人不信上匡廬東風
一夜吹帆去估客江陵也不如

江州問琵琶亭

亦知遷地勝長沙無邨中年易憶家裁唱
楚歌頭便白不須遙夜聽琵琶

戲題赤壁

越州蘭亭千載竒黃州赤壁今半之若使

舟人不解說一拳頑石草迷離

道士袂

云即西塞山也

西塞山頭啼杜鵑
漁父心無事耐可中流倚醉眠

泊樊口

千條弱縷拂輕羅
武昌應不恨一尊樊口聽漁歌

阻風黃石磯

槎葉江南江北
山萬山捲簾但看

白浪沽酒不減朱顏

其二

長江宛如白龍怒起鱗甲千重
唯是江頭山色居然不改芙蓉

初出京口

楚歌一聲發吳儂
雙淚漣武昌應尚遠船是武昌船

夜泊蘆夾迴望燕子磯

風吹浩蕩去却在蘆江湄
燕子磯頭月清

入楚稿
光當待誰

泊金陵

不登鳳凰臺為怯李家句聽說長干兒朋
尊向臺去

初發石頭

亭亭遠山色入我船窓來闕語雖不競那
無酒一杯

烈州在江中樹頗多

鬱鬱烈州樹宛然江水間行人自不上如

殺道金山

牛渚即采石也

玄暉既道往李白時一振請看滄江流萬
古才不盡

宣城道中阻水不得上

夜不聞白猿朝不見白鷗

皆太白詩中語

忘却下江

水錯恨戀舟山

東西梁山一名天門山在江中

東梁與西梁鬚鬚雙虎頭可憐長江水分

入楚籍
作川字流

病中過銅陵遇雨

江館能收望漁磯亦罷罾誰憐伏枕客風
雨過銅陵

歷陽道中阻風

進步咫尺間一落不復上安得勒將軍為
我牽百丈

江行熱無魚買戲成

十日不嘗魚九日不却暑願作西南風吹

儂轉鄉土

余嘗夢登九華陽山磯可以見華而
病熱昏寐竟過志感

九華九子秀十年夢寐間那知一夢覺頓
失九華山

過馬當

人云下元府莫作馬當看自有天公仗那
能問水官

安慶道中

平波細若剪，遠岫膏於沐。嗒坐舫齋中，空翠時一撲。

過皖城

不問江南北，江風任往還。杯中是何物，青峭皖公山。

和尚磯在采石，道士袂在蘄州。小孤中立焉。

東是和尚磯，西看道士袂。邨能教小姑，不就彭郎宿。

祭小孤神祠作

小孤有神祠，亭亭大江中。行人俱賽祭，那得往來風。

彭澤顏明府來謁

偶然折腰罷，滿路青山看。却笑陶彭澤，何因便去官。

過潯陽

功名侮余甚，厭之不能舍。試問廬山峰，可曉白司馬。

望大孤山

人言大孤醜不及小孤妍若向鄱陽去南風也繫船

神鴉

神雅向千載依然少陵句不學柏臺烏臺遷烏亦去

至李坪驛始見竹筏上居民連亘三十餘家云隨流上下作簞治板行販何必問故鄉浮家任儂住一夜便風來盡

呼鄰里去

入黃州

青衫曳地行雙眼鼻端看此豈翫世人憐為世人翫

青山磯

武昌在前頭逡巡不肯去為愛青山磯且對青山住

登黃鶴樓

縹緲高凭崔氏樓依微西眺彌生洲天容

孤鶴排空上水合雙龍抱郡流一代真成
春雪倡千年誰識歲星愁老夫聊翫人間
世任遣浮雲黯不收

癸酉秋再監楚棘感懷二首

從叨三晉領賢扉南紀秋風又鎖闈屈產
自良吾齒老楚珩雖貴國工非殘燈晃影
疑裁素清併傳更似搗衣功業少年諸不
乏倘容緝緝一翁歸

其二

紫衫垂故白鬚偏潦倒慚非入棘年聽
雕虫身自厭由来相馬事空傳差強澤畔
吟行地却送河東賦上天論賞進賢當不
薄可應還記介推田

中秋夜登明遠樓觀月作

列炬分行鼓角催江光如練倚欄開初疑
卞壁排空上忽有隋珠破夜來入坐天香
真桂苑披襟風色勝蘭臺還將校獲誇雲
夢磊砢紛綸盡楚材

贈曾參議公公子中丞撫蜀甫遷官

即歸郢

挂緋剛及賜緋時
揔為雲山愜素期
有子陳咸邨
教誥為郎顏駟
肯論遲高從郢里
倡春雪遠許巴人
寄竹枝見說原陵
多祓地可知童冠
解相隨

病阻潛江口

獨棹阻風地
孤燈伏枕身
乍驚寒刺骨
小間暗傷神
分與藥餌絕
况無僮僕親
新醪

煖兒輩誰念不歸人

輓九十三湯翁翁嘗為吳邑丞時令

子中丞以候代留襄

共擬鳩筇履漢庭
忽驚鶴馭指青冥
吳中舊雨留棠樹
天上新霾掩歲星
聽罷府烏頭欲白
攀來臺柏樹非青
襄陽耆舊能相挽
墨經聊為借冠停

答陳淮安玉叔

陳楚人也

美人政成後日宴
但鳴琴貽我淮南曲
燕

操郢里音調孤春雪好寄遠白雲深欲往
高樓奏應悲兩地心

其二

武昌黃鶴樓亭亭天南陬所少陳登臥空
令王粲游三秋鴈書至五月梅花愁莫作
殊方語青淮是楚州

有感

懶慢嵇中散摧藏屈左徒片言交可絕九
辨歿為俱骨相由來賤書生老更迂不須

讀腐鼠前路有江湖

京山過故王侍御宗茂宅有感因伸
薄酌仍許為其子銘墓

漢賊不兩立臣死安足辭唯憐請劍恨猶
鬱蓋棺時喬木風霜老宸章日月垂今朝
南史筆無忝太丘碑

過京山王太僕期還日過飲以病後
漢江抵省太僕有作賦此解嘲
十載登龍額不違見來詞賦有光輝已拚

送酒陶家醉敢作凌風列御歸席畔黃花
寒不負江頭青雀病相依誰言郢里今遼
落白雪逢君片片飛

答助甫見寄

中原高枕白雲深春草玄關懶自侵不怕
汝南人月旦所愁江上鯉浮沉鳳凰獨攬
千尋德鷁鵠雙懸異代心此百為君成慷
慨武昌風色晝陰陰

中郎不愛賣碑錢感德郡因乞米傳念介
去凌淮蔡雪向誰呼覓孝廉船忽驚魚素
衝江渚驟有驪珠射楚天無限故人推轂
意愁君手板少年前

敬美需次不調於秋夜倡和有庾公
南樓之思走筆為答

北游吾弟困長安南徙而兄老一官欺客
秋風生衽褐誤人春事在彈冠莫誇同調
蘭金易縱得時名桂玉難俗殺武昌中夜
月庾公邨自折腰看

聞粵西除命有作以楚臬迫將入計
歛然除目下呼酒一為懽豈謂投荒易端
憐入計難桑榆元愛暖蒲柳自知寒早晚
從休沐將因托挂冠

其二

長沙七千里過此更沉沉汨沒非吾責歸
來是夙心蒼梧睡不盡白髮話來侵縱有
東風在幽蘭寒意深

贈李方伯淑

李君與余交好素矣庚午秋余忝晉臬
君寔佐之尋以大叅代余吳興部今年
余起家楚臬過君里為酒竟日亡何而
遷廣右藩伯則君所解之綬也然余乞
休疏已前上矣感慨之餘因成長句為
贈

余昔游太原賴君佐提刑有酒不孤賞所
吐皆蘭馨北風吹晉祠冰作涕淚零及余
吳興政舊刃發新劓平陽許畫一臨淮實

精靈起家再游楚值君方錦停謬脂嶺右
轄是君所遺軒官自雪鴻跡人如大海萍
吳越代兩政晉楚若一廷生平易解官各
若秋夢醒更有大奇事我談君試聽太湖
五百里中有兩洞庭洞庭八百里中一君
山青介我對長之澹然雙客屋欲造即馭
風雲車會青冥安能傷塵世蚺聚襲臙腥
於黃鶴樓送別蔡僉憲廣東少參

柏臺高臥白雲秋靜者由來有蔡侯識我
姓名真倒屣念君離合重登樓中天日傍
長安出薄暮雲生大別愁倘是五羊能見
憶莫辭雙鯉向吳洲

鄭君義方亭 二子鑿茂俱第

子真家谷口瓊樹已成行並秀池塘草俱
為大國香雲霄鴻序近日月鯉庭長舊里
名通德新亭表義方一經為世業雙璧奏
天閭宅相誰能擬知從魏劇陽

武昌奉別省中諸公

差池霜色鬢毛侵三月移藩已滯淫惜別
故人分手淚思歸傲吏折腰心頽魚下水
猶堪溯黃鶴摩天不易尋回首莫論萍梗
事古來天地有浮沉

順甫文晴川閣分韻得芳字

憶醉漁陽春草芳蹉跎回首廿年強青萍
斗傍孤城合白首天容二子狂高閣對懸
今古色浮雲不盡徃來檣前忽語登龍
慷慨悲歌泣數行

又得萋字

樹色漸萋萋煙波四望迷江將朝氣入天
逐暮雲低如夢尊前燭相催曙裏雞所誇
文苑傳王魏或堪齊

又得洲字

莞爾心相慰愴然思舊游武昌情作柳鸚
鵝恨為洲拂檻星河動聞箏鴻鴈愁莫言
春酒歇大別是糟丘

京山李先生淑五鼓餞予觀音巖作

勝地停車得離筵載酒勤巖飛四時雨樹
鎖一溪雲似借軍持滴疑將梵唄聞草成
瓔珞相石佐貝多文催舞雞三唱驚栖鳩
數群潮音喧寂改暝色去留分戀戀飯慈
氏沾沾御李君秋山如有意蒼翠轉氛氲

董村小隱歌為趙翁題

丈人卜築董家村村中風物宛可論董家
猶稱孝子里丈人別作素戾門門前草沒
車馬跡隣父雖過不爭席鼓枝慈竹溪上

青二月墻頭杏花白蠶子笑帖千芳齊習
習春風生杖藜人如畏壘無驚轍業學戶
鄉不養雞有田七百但種秫釀得新醪如
刺蜜穀在何須用虎防杏成仕自從人乞
有子策奏天人奇回頭却笑昌黎詩男兒
遇酒即快飲人不識安用文公知

入
卷
八

